

**Imarisat allatat pillugit sullissivik.gl -ip
allannermut najoqqutassai**



Imarisat

Najoqqutassat siunertaat	2
Nittartagaq sullissivik.gl aamma atuartussat	3
Imarisaasa qanoq ittuussusaat	3
sullissivik.gl-imi imarisanut allatanut akisussaaneq	4
Oqartussaasut imarisanut piginnittutut akisussaanagerat	4
Digitalingortitsinermut Aqutsisoqarfiup nittartakkamut akisussaanera	5
DIA SE-mut attaveqarfissat	5
Oqartussat DIA SE-llu akornanni attaveqaqatigiinneq	6
Mailikkut allaqatigiinneq	6
Imarisat allatat nassiunneri	6
Oqarasuaatikkut takkullunilu saaffiginnissutit	6
Imarisamik allatamik saqqummiussineq	7
Imarisamik nutaamik saqqummiussineq	7
Imarisamik pioreersumik nutarsaaneq	7
Imarisap allatap peerneqarnera	7
Imarisat peernissaat pillugu oqartussat mailikkut allannerat	7

Najoqqutassat siunertaat

Imarisat allatat pillugit sullissivik.gl-ip allannermut najoqqutassai imarisanik allattunit taakkulu immikkoortorta qarfimmi pisortaannit nittartakkami imarisanik allannerminnut atatillugu suliaqarnerini malinneqartussat matumani nassuiaatigineqarput.

sullissivik.gl-ip malittarisassat aamma najoqqutassat aalajangerpai, taakkulu oqartussaasunit imarisanik piginnittuusunit aamma Digitalinngortitsinermit Aqutsisoqarfimmi Digitalikkut Kiffartuussinermit Immikkoortorta qarfimit (DIA SE) sullissivik.gl-imut ingerlatsisunit malinneqassapput.

Najoqqutassat sullissivik.gl-imi tunngaviumik aalajangersakkat malippaat:

- Imarisat inatsisit atuuttut tunngavigalugit allataapput
- Paasissutissat eqqortut nutarternikullu imarisami allassimapput
- Paasissutissat paasiuminartumik atuaruminartumillu allataapput
- Imarisat tamarmik assigiimmik sannaqarput, assigiissaarineq assigiiaamillu iluseqarneq qularnaarlugu

Piumasaqaataavoq:

- DIA SE-p sullissivik.gl-imut atortussatut pilersitai oqartussaasunit atorneqarnissaat
- Attaveqaqatigiinnermi pisussaaffiit oqartussat aamma DIA SE-p assigiimmik malissagaat
- Oqartussat kissaatigisaat naapertorlugit, DIA SE imarisanik ikkussillutillu peersisassapput

Nittartagaq sullissivik.gl aamma atuartussat

sullissivik.gl tassaavoq pisortat ataatsimoorussamik nittartagaat, Nunatsinni innuttaasunut suliffeqarfiutilinnullu saaffiginnittoq. sullissivik.gl Nunatsinni oqartussaasunut atugassiaritinneqartoq Digitalinngortitsinermut Aqutsisoqarfimmi Digitalikkut Kiffartuussinermik Immikkoortortaqarfiup (DIA SE) ingerlappaa. Oqartussat sullissivik.gl-imi paasissutissaatiminnik nassitsisuupput piginnittuullutillu, Nunatsinni innuttaasunit suliffeqarfiutilinnillu pisussaaffitik pisinnaatitaaffitillu pillugit atuarneqartartut. sullissivik.gl-imi paasissutissat tamarmik eqqortuunerinik qulakkiigaassapput, nutarternikuussallutik atuuttuussallutillu, atuartussat kukkusumik paasissutissiiffigitinneqaqqunagit. Tamanna tunngaviuvoq oqartussanit pisortanillu paasissutissiinneqarnermik eqqortuunerannik tatiginninnissaannut.

Imarisaasa qanoq ittuussusaat

sullissivik.gl-imi paasissutissat imarisanik taaneqartarput.

sullissivik.gl-imi imarisaasa qanoq ittuussusaat assigiinngitsut marluupput:

- Imarisaq allataq imminut sullinnerttaqanngitsaq
- Imarisaq allataq imminut sullinnertalik imaluunniit aaneqarsinnaasumik immersugassartalik (Imminut sullinnertaliugaangami imarisaq digitaliusumik immersugassaqartarpoq imaluunniit sullissivik.gl-imut atassusikkamik imminut sullississuteqarluni)

Sammissaq aalajangersimasooq pillugu imarisap innuttaasooq imaluunniit suliffeqarfik “tamaat ataatsimut isiginnissinnaalersissavaa.” Taamaattumik imarisamut allannermi immersugassaq malittarisassianik immikkoortortalik pilersinneqarnikuuvoq, oqartussat sammissaq pillugu tamakkiisumik paasissutissiinissaat qularnaarniarlugu. Immikkoortortat malittarisassiat ukuupput:

- Sammissaq pillugu paasissutissat nalinginnaasut
- Qinnuteqarnissamut imaluunniit noqqaassuteqarnissamut piumasaaqatit
- Qinnuteqarneq (ornigulluni tunniussinikkut attaveqaatitigulluunniit, imaluunniit tamaasa)
- Akigititat (peqarpat)
- Suliamut ingerlatseriaaseq
- Allanguutit (innuttaasup inuunerani arlaannik allanguuteqarpat, suliffeqarfimmiluunniit allanguuteqarpat, tapisiamut/akilersuummut sunniuteqarsinnaasut)
- Piffissaliussat (piffissaliinerit, piffissarititat, piffissamiluunniit killigititat pineqarpata)
- Maalaaruteqarneq (innuttaasooq imaluunniit suliffeqarfik qinnuteqaatiminut/noqqaassutiminut itigartitaappat)
- Attaveqarfissat (oqartussat imarisamut piginnittut)

Immikkoortortat malittarisassiat piupput, innuttaasooq suliffeqarfilluunniit akissutisinningsaminnik apeqqutissarpassuaqannginnerussammata, malitsigisaanillu oqartussat attavigisariaqalerlugit.

Imarisaq sullissivik.gl-imiittoq ukunatut allataassanngilaq:

- pisortani sulisunit sulinermit atortussiatut
- atuartussanut nutaarsiassatut

Inatsit atuuttut aallaavigalugit sullissivik.gl-imi imarisat oqartussanit paasissutissanik ingerlatitseqqiinerlut atuartussanut allataapput; oqartussat piumasaaqataat aamma innuttaasut imaluunniit suliffeqarfiutillillu pisinnaatitaaffii eqqarsaatigalugit.

Malugiuk: Kommunit paasissutissanik kommunerisamuinnaq aalajangersimasunik imarisamut ikkussisinnaapput. Kommunerisamuinnaq paasissutissat aalajangersimasut tassaapput paasissutissat naatsuaqqamik allatat PDF-fiilitallit (kommunimi akigitat kommunillu immersugassaatai assigiinngitsut.)

sullissivik.gl-imi imarisanut allatanut akisussaaneq

Paasissutissat sullissivik.gl-imiittut oqartussaasunit allanneqarnikuullutillu pigineqarput. Imarisani tamani imarisamik allattoq aamma oqartussat immikkoortortaqaarfiani pisortaq akisussaasutut nalunaarsoqqapput.

Oqartussaasut imarisanut piginnittut akisussaanerat

Oqartussaasut atuartussanut eqqortunik paasissutissiinissaminut pisussaaffeqarput. Tamanna ima isumaqarpoq oqartussat imarisaatiminnik pilersitsissasut imarisaatitillu ataavartumik nutarsartarnissaat akisussaaffigaat. Oqartussat tamarmik immikkut (naalackersuisoqarfik suliffeqarfilluunniit taassuma ataaniittoq) ukununga pingaarnertut akisussaasuupput:

- **Imarisat allatat pillugit sullissivik.gl-ip allannermut najoqqutassai ilisimassallugit:**
 - sullissivik.gl-imi imarisamut allannermi immersugassap qanoq immersorneqassasoq
 - Allannermi maleruagassiat aamma linkilertitsineri malittarisassat qanoq malinneqassanersut
- **sullissivik.gl-imut imarisanik allatanik pilersitsineq:**
 - Inatsisunik atuuttunik paasiuminartunngorlugit ingerlatitseqqinnikkut
 - Atuartussat paasissutissanik pisariartitsineri aallaaviginerisigut
- **Imarisaatimik ataavartumik nutartertarnissaat, uku isumagalugit:**
 - Paasissutissat inatsisillu atuuttut aallaavigalugit allataapput
 - Paasissutissat atuuttuupput
 - Ullut piffissaliussallu pingaarutillit eqqortumik allassimapput
- **DIA SE mailikkut attavigineqassaaq:**
 - Oqartussat imarisamik nutaarluinnarnik sullissivik.gl-imut ikkussassaqaarpata
 - Oqartussat imarisamik nutarsakkamik sullissivik.gl-imut ikkussassaqaarpata

Digitalinngortitsinermut Aqutsisoqarfiup nittartakkamut akisussaanera

Digitalinngortitsinermut Aqutsisoqarfimmi Digitalikkut Kiffartuussinermik Immikkoortortaqarfik (DIA SE) nittartakkamut sullissivik.gl-imut akisussaasuvoq. Tamanna ima isumaqarpoq DIA SE pisussaasuusooq oqartussat imarisaatai kissaatai malillugit sullissivik.gl-imut ikkuttassagaat. Pingaartuuvoq DIA SE-p allattuiffiani imarisanik suliaqartuusut tamarmik allaqqassasut, pisariaqarnerani attavigineqarsinnaaniassammata. DIA SE aamma sullissivik.gl-ip najoqqutassarititaasa oqartussat malinneqarnissaasa qularnaarnissaannut pisussaavoq.

DIA SE ukununnga pingaarnerusumik akisussaasuvoq:

- **Oqartussat ataatsimeeqatigisarnissai:**
 - Imarisanik suliaqarneq aallarnertinnagu ataatsimiinneq:
 - oqartussat imarisamik nutaamik pilersitserusuppata
 - immikkoortortaqarfik nutaamik pisortartaarsimappat
 - Imarisanik allattut sullissivik.gl-ip najoqqutassaanik saqqummiivigalugit

- **Oqartussat iltersuinikkut ilinniartitsinikkullu ikiorlugit:**
 - sullissivik.gl-imi imarisanut sulinermi najoqqutassat ingerlatseriaatsillu nassuiarlugit
 - imarisanik allattut najoqqutassanik nassuiaaffigalugit
 - sullissivik.gl-imi imarisamik suliaqarnermi atortussat pillugit ilinniartitsillutik

- **Nittartakkamut ingerlatsineq qularnaarlugu:**
 - sullissivik.gl-ip allannermut najoqqutassasa (imarisap allannerani immersugassaq aamma allannermi maleruagassiat) malinneqarnissaat qularnaarlugu
 - Imarisanik piginnittoq attaveqarfigalugu kukkusumik paasissutissiisoqarneq imaluunniit imarisami paasissutissanik amigaateqarneq pillugu saaffiginnittoqarsimappat
 - Imarisat nutaat sullissivik.gl-imi saqqummiutissallugit (oqartussanit allakkatigit nassiussaq)
 - Imarisat nutarsakkat sullissivik.gl-imut ikkutissallugit (oqartussanit allakkatigit nassiussaq)

DIA SE-mut attaveqarfissat

Digitalinngortitsinermut Aqutsisoqarfimmi Digitalikkut Kiffartuussinermik Immikkoortortaqarfik (DIA SE):

- Imarisat allatat nassiunneqassapput uunga: sullissivik@sullissivik.gl
- Immersugassat digitaliusut pillugit saaffiginnissutit uunga nassiunneqassapput: sullissivik@sullissivik.gl
- Imminut sullississutit atassusikkat pillugit saaffiginnissutit uunga nassiunneqartassapput: DIA SE-p immikkoortortaqarfimmi pisortaanut

Oqartussat DIA SE-llu akornanni attaveqaqatigiinneq

Mailikkut allaqatigiinneq

Imarisamik suliaqarnermut atatillugu attaveqaqatigiinneq tamarmi mailikkut sullissivik@sullissivik.gl -ikkut ingerlassaaq

Imarisat allatat pillugit isumaqatigiissutit tamarmik mailikkut allassimassapput. Imarisamik suliaqarneq oqaluinnarluni ingerlanneqassanngilaq, pingaartuummat:

- imarisat pillugit suliaqarnermi isumaqatigiissutit allanneqartassammata
- imarisanik allalluni sulinerup takussutissaqartinnissaa uppersaateqartinnissaalu

Allagartat tamatigut kakkiuttassapput aamma ilanngussat tamatigut ilannguttassapput

DIA SE-p innersuussutigisarpaa mailimi akisinermi nassitsisup ilanngussai tamatigut ilanngunneqartassasut. Tamatuma qularnaassavaa:

- Kikkut tamarmik qularissanngikkaat imarisamut allannermi immersugassat sorliit aallaavigineqarnersut
- Imarisat fiilillu attuumassutillit nassiussat kingulliit tamanit tiguneqarnissaat

Imarisat allatat nassiunneri

Oqartussat imarisanik pilersitsiniarlutik suliaqarnerminnut atatillugu akunnerminni eqqartuinerinut DIA SE akulerutsinneqartassanngilaq. DIA SE imarisanik allatanik sullissivik.gl-imut ikkussisassapput, oqartussat ukuninnga nassiussigaangata:

- imarisaq nutaaq, imarisamut allannermi immersugassami kukkunerisiorneqareerluni piariigaq
- imarisaq pioreersoq, imarisamut allannermi immersugassami “Registrér ændringer” atorlugu nutartigaq

Imarisat allatat nassiutinnginnerini eqqaamasassat:

- Imarisamut allannermi immersugassat atorleqarput
- Allannermi maleruagassiat aamma linkilertitsinermi malittarisassat malinneqarput
- Allaqqasut tamarmik kukkunerisiorneqareerput pitsaassusaallu qulakkeerneqareerput
- PDF-fiilit ilanngussassat (ilitersuutit, naqitat paasissutissiat il.il.) kakkiuteqqapput
- Nassiussassat tamarmik kalaallisut qallunaatullu allaqqapput

Oqarasuaatikkut takkullunilu saaffiginnissutit

DIA SE oqarasuaatikkut imaluunniit takkulluni saaffigineqaruni, qinnuiginnittarpoq saaffiginnissut allaganngorlugu sullissivik@sullissivik.gl -imut nassiunneqassasoq.

DIA SE-p imarisanik sulineq aallartinneq ajorpaa saaffiginnissut allaganngorlugu tigutinnagu.

Imarisamik allatamik saqqummiussineq

Oqartussat kissaataat malillugu DIA SE-p imarisat ikkuttarpai.

Imarisamik nutaamik saqqummiussineq

DIA SE-p imarisaq sullissivik.gl-imut ikkutissavaa, oqartussat:

- Allakkatigut nalunaarpata, ullua allallugu qaqugu imarisaq saqqummiukkusunnerlugu
- Allakkatigut nalunarpata imarisaq erngertumik saqqummiunneqassasoq

Malugiuk: Nassiussinermi eqqaamasassat tamakkersimagukkit, suliap naammassinissaa sukkanerussiaaq.

Imarisamik pioreersumik nutarsaaneq

Imarisamut allannermi immersugassami oqartussat allanngortitativik "Registrér ændringer" atorlugu nalunaarsussavaat, taamaasilluni DIA SE-p ingerlaannarluni takusinnaaniassammagu sullissivik.gl-imi imarisami suna nutarsagaassanersoq.

Allannguutit ukuusinnaapput:

- Ullunik allannguilluni nutarsaaneq
- Kukkusumik paasissutissiineq aqqitassaq
- Oqaaseqatigiinni allanngiineq

Imarisap allatap peerneqarnera

Oqartussat imarisat pigisativik nittartakkamit peerneqarnissaat toqqarsinnaavaat, taamaasilluni paasissutissat innutaasunit, suliffeqarfinit oqartussaasunillu allanit atuarneqarsinnaajunnaarsillugit.

Imarisap peerneqarnissaanut makku piumasaqaataapput:

1. Imarisami allatami paasissutissat tamarmik inatsisitigut tunngaveqarunnaarnerat
2. Paasissutissat nutaanngilinerat
3. Imarisaq amerlavallaartunik kukkusunik paasissutissartaqarnera peqqutaalluni, sukkaasumik nutarsarsinnaannginnera

Imarisat peernissaat pillugu oqartussat mailikkut allannerat

DIA SE imarisamik peersissaaq oqartussaasut sullissivik@sullissivik.gl -imut mailerpatata paasissutissat uku ilanngullugit:

- Imarisat allatat peerneqartussat
- Peerneqarfissaata ullussaa
- Oqartussat imarisamik peerseqqusinerannut tunngavilersuut

Malugiuk: Imarisaq allataq imminut sullinnertaqarpat, imminut sullinneq paasissutissartaarutissaaq ilitersuutitaarullunilu.